

# ANDALUZIJA / avion – 6 dana

## PROGRAM PUTOVANJA: 23.06. / 15.09.

### 1.dan SARAJEVO – MALAGA

Polazak iz Sarajeva prema Istanbulu u 09:00h. Po dolasku u Istanbul presjedanje na let prema Malagi u 13:15h. Dolazak u Malagu u 17:00h. Nakon čega slijedi pasoška kontrola, preuzimanje kofera te transfer prema hotelu. Smještaj u hotel. Slobodno vrijeme. Noćenje.

### 2.dan MALAGA LOKO

Doručak. Mogućnost za fakultativni odlazak u **MALAGU** lokalnim prevozom. Po dolasku u rodni grad Pabla Picassa, slijedi grupni obilazak: Plaza de la Marina, šetnja kroz park Infantil "Platero", Teatro Romano de Malaga - najstariji spomenik u gradu Malagi, pozorište koje je izgrađeno u 1. stoljeću prije nove ere od strane Rimljana, Alcazaba - tvrđava koja se nalazi iznad ovog teatra, jedna od najbolje očuvanih tvrđava u Španiji izgrađena u 11. stoljeću od strane Maura (Arapa)(doplata za ulaznicu cca. 10€), šetnja glavnom avenijom Alcazabilla, židovska četvrt - La Juderia, kuća Pabla Pikasa (doplata za ulaznicu cca. 12€), katedrala "La Manquita" - specifična po tome što na njoj ne postoji jedna kupola. (doplata za ulaznicu cca. 10€). Slobodno vrijeme za ručak, preporučujemo posjetu obližnjem vinskom podrumu u Calle Pastora gdje se izravno iz bačava toče lokalna desertna vina Málaga Virgen i Moscatel koja se mogu kušati u raznim varijantama. Slobodno vrijeme. Individualni ili grupni povratak u hotel lokalnim prijevozom. Noćenje.

### 3.dan CORDOBA

Doručak. Mogućnost za fakultativni odlazak u **CORDOBU** - nekadašnju prijestonicu maurskog kalifata Al-Andalus, do 11. st. kada se kalifat raspao na manje emirate koji su opstali do 15.st. kada su ih ujedinjena kršćanska kraljevstva Castilla i Aragon potisnula iz Evrope. Po dolasku razgledanje grada pješice: pogled na stari rimski most, Torre de la Calahorra, veličanstvena džamija "Mezquita", simbolu grada i čudu maurske sakralne arhitekture pod UNESCO zaštitom (uključeno u cijenu), doživjet ćete nevjerovatan spoj dvije religije koje su izvršile snažan utjecaj na oblikovanje Andaluzije. Slobodno vrijeme. Povratak u hotel. Noćenje.

### 4.dan SEVILLA - ALCAZAR

Doručak. Mogućnost za fakultativni odlazak u **SEVILJU** - gradu prekrasne arhitekture nastale pod utjecajem raznih kultura. Slijedi obilazak pješice, te zadržavanja uz kraća objašnjenja kraj - Palate San Telmo koja je prvobitno izgrađena kao sjedište Univerziteta navigatora, škole za obrazovanje djece bez roditelja i obuku za mornare, danas je sjedište predsjedništva andaluzijske autonomne vlade, Hotel Alfonso XIII - jedan od najluksuznijih hotela u čitavoj Španiji, Royal Tobacco Factory of Seville - univerzitet koji je nekada bio fabrika duhana, možda niste znali, ali Sevilja je u jednom periodu svoje historije, bila jedan od najvećih proizvođača duhana na svijetu. Plaza de Espana, te posjeta veličanstvenoj Katedrali izgrađenoj na mjestu džamije iz 12. st., treće najveće katoličke crkve na svijetu sa preko 30 oltara, tu se nalazi mauzolej Kristofora Kolumba, te 96m visok toranj Giralda, nekadašnji minaret, s maurskom dekoracijom (doplata za ulaznicu 13€). Mogućnost za fakultativnu posjetu **ALCAZARU** dvoru vladara iz maurskog perioda kojeg su španski kraljevi preuredili u stilu Alhambre, te im još uvijek služi kao rezidencija. Nakon obilaska palata s maurskom dekoracijom i vrta. Slobodno vrijeme. Povratak u hotel. Noćenje.

### 5.dan GRANADA + ALHAMBRA

Doručak. Mogućnost za fakultativni odlazak u **GRANADU i ALHAMBRO**, gdje ćemo posjetiti najznačajniju i najbolje očuvanu maursku utvrdu i palatu posljednjih maurskih vladara Nasridske dinastije iz 13.st., na UNESCO listi svjetske baštine - **ALHAMBRA**. Po dolasku u Granadu slijedi odlazak u šetnju gradom: Alcaicería - trgovačka ulica (bazar) u historijskom srcu grada, Corral del Carbón - To je jedini funduq (komercijalno skladište ili gostionica) sačuvan iz Nasridskog perioda na Pirinejskom poluotoku, Katedrala u Granadi (doplata za ulaznicu 6€), mogućnost za posjetu kraljevskoj grobnici Izabele i Fernanda (doplata za ulaznicu 6€), te na kraju posjeta čuvenoj ALHAMBRI koja je veličanstvena palača i utvrda u Granadi. Poznata je po predivnoj maurskoj arhitekturi, složenim ukrasima i veličanstvenim vrtovima Generalife. Ova UNESCO-ova svjetska baština simbolizuje bogatu historiju i umjetnost maurske kulture. Povratak u hotel. Noćenje.

### 6.dan MALAGA – ISTANBUL - SARAJEVO

Doručak. Check out do 08:30. Polazak prema aerodromu u 09:00. Čekiranje karata, pasoška kontrola te polijetanje prema Istanbulu u 12:05h. Dolazak u Istanbul u 17:25. Presjedanje na let za Sarajevo u 18:50. Planirani dolazak u Sarajevo je u 19:45. Kraj programa.



## CIJENA PROGRAMA – 1599,00 KM (06.04.)

## CIJENA PROGRAMA – 1399,00 KM (23.06 & 15.09)

### U cijenu programa je uključeno:

- Avio prijevoz na relaciji Sarajevo - Malaga - Sarajevo (presjedanje);
- Smještaj u hotelu na bazi 5 noćenja sa doručkom u 1/2 i 1/3 sobama;
- Transfer aerodrom - hotel – aerodrome;
- Organizacija putovanja i vodičko osoblje;

### U cijenu programa nije uključeno:

- Individualni troškovi
- Fakultativni izleti: CORDOBA 70 EUR, ALHAMBRA + GRANADA 105 EUR, SEVILLA 65 EUR, ALCAZAR 35 EUR, MALAGA – 15€
- Putničko-zdravstveno osiguranje za sve dane (12.00 KM)
- Provizija za kartično plaćanje na rate 8% (115.00 KM)
- Doplata za jednokrevetnu sobu za sve noći (400.00 KM)
- Turistička-boravišna taksa za sve dane (68.00 KM)

**Plaćanje:** Prilikom rezervacije uplaćuje se min 50% od ukupne cijene aranžmana

### **Važna napomena:**

 **Ulaznice za Alhambru kupuju se prilikom prijave na aranžman, ukoliko u tom momentu budu dostupne.**